



partii naleraq

26. septemperi 2016

UKA2016/140

**Kalaallit Nunaanni pinerluttulerineq pillugu inatsisip aamma Kalaallit Nunaanni eqqartuussisarneq pillugu inatsisip allangortinneqarnissaanut missingiummut Namminersorlutik Oqartussat tapersersuinissaat pillugu Inatsisartut aalajangiiffigisassaattut siunnersuut (Oqarasuaatikkut nalunaaruteqartarneq, kalaallit nunaanni pinerluuteqarsimasunut inissiisarfinni pissanermik atuineq, kiisalu palleeqqusinnginneq, sumiiffimmeeqqusinnginneq persitaanerlu il. il.) aamma palleeqqusinnginneq, sumiiffimmeeqqusinnginneq peersitaanerlu pillugit inatsisip Kalaallit Nunaannut atuutilernissaa pillugu peqqussut aamma pinerlunnernik eqqugaasunut naalagaaffimmit taartisiaqarnissaq pillugu inatsisip allangortinneqarnera.**

(Ilaqutariinnermut, Naligiissitaanermut, Isumaginninnermut Inatsisinillu Atuutsitsinnermut Naalakkersuisoq)

Kalaallit nunaanni pinerluttulerineq pillugu inatsisip eqqartuussisarnermi inatsisip allangortinneqarnissaanut siunnersuut saqqummiunneqartoq oqaaseqarfigissavarput.

Matumuuna inatsisissatut saqqummiunneqartut innuttaasunut pinerluffigineqartunut illersuinnermi atorineqartussat missingiummut Namminersorlutik oqartussat tapersersuinissaat saqqummiunneqartoq, tassalu palleeqqusinnginneq, sumiiffimmeeqqusinnginneq persitaanerlu, kiisalu oqarasuaatikkut nalunaaruteqartarneq, aammalu qasilitsunik seqqarsaatit eqqornaveeqqutillu pinerluuteqarsimasunut inissiisarfinni atugalernissaat pillugu inatsisissatut saqqummiussaqaqarnermi aqqiiniarneq isumaqatigalugu oqaatigissavarput.

Innuttaasut pinerluffigineqarsimasut illersorneqarnissaat anguniarneqartoq, aammalu persuttaasarnerup akiorniarneqarneranut suliniutit atuutsinneqalersussat taperserlugit oqaatigissavarput.

Palleeqqusinninneq aammalu sumiiffmeeqqusinninneq pinerluffigineqartumut toqqissisimanermik pilersitsissasoq naatsorsuutigilluinnarparput, taamaattumik matumuuna inatsisissatut siunnersuut akuersaarneqassasoq innersuussutigissavarput.

Pinerluffigineqartut aamma oqarasuaatikkut nalunaaruteqarsinnaanerannut nalunaaruteqariaatsitut atuutilissasoq periarfissaalissasoq saqqummiunneqartoq akuersaarparput.

Kiisalu aamma pinerluuteqarsimasunut inissiisarfinni ilaatigut qasilitsunik seqqarsaatit eqqornaveeqqutinillu atuisinnaanermut tunngasut atorneqalernissaanik periarfissiinissaq, aammalu ilaatigut pissaanermik atuisunut akiuinissamut atorneqarsinnaanerannut akuerineqarnissat isumaqatigalugu oqaatigissavarput.

Kiisalu aamma pinerlunnermik eqqugaasunut naalagaaffimik taartisiaqarnissamik inatsisip allanngortinneqarnissaa pitsaasutut isigalugu akuersaarparput.

Taamatut oqaaseqarluta inatsiseqarnermut ataatsimiititaliami suliarineqassasoq innersuussutigaarput.

Hans Enoksen